


荊州記

夏孫桐署

地260
233
新四

101692
二

華川



101692
二

盛宏出荆
州記三卷

東吳姚孟起題



光緒癸巳
仲冬開離

敘曰荊州記三卷隋書經籍志宋臨川王侍郎盛宏之撰宏之宋書無傳故未能別詳其撰著據兩漢刊誤補遺稱顏氏家訓贄字用盛宏之晉書本及考家訓書證篇太山羊曼兗州號為贄伯乃引晉中興書為何法盛所撰故云法盛世代殊近吳仁傑誤謂宏之有晉書而不知其祇有荊州記也荊州記之作當在臨川王刺荊州之時宋書臨川王義慶傳稱元嘉九年出為荊州刺史十六年改授江州記文當成於元嘉十四年太平寰宇記引元嘉十四年荊州所隸三十郡是也寰宇記御覽又引枝江縣西至上明東及江津其中有九十九洲

序

楚諺云洲不滿百故不出王者至宋文帝在藩忽生一洲果然龍飛江表其稱宋文帝者樂史李昉等所改酈道元水經注引作今上在西忽有一洲自生知記文本作今上為成於文帝元嘉十四年其時臨川王義慶為荊州刺史而御覽引荊州城西百餘步有棲霞樓臨川康王所置康為李昉所增猶初學記引作宋臨川康王置宋為徐堅所增可知又初學記引雁塞北接梁州汶陽郡御覽引同考宋書州郡志荊州汶陽云先屬梁州文帝元嘉十一年度記文成於十四年汶陽已度荊州且荊州汶陽宋志領縣有沮陽而御覽引沮陽縣黃竹

山常肅肅有風名曰風門知記文有汶陽郡焉有稱梁州者必徐堅李昉等所改猶續談助載殷芸小說引湘州有南寺東有賈誼宅宅有井即誼所穿考宋志湘州云文帝元嘉八年省十七年又立記文成於十四年焉有稱湘州者必殷芸所改芸蓋據宋志荆州云後分湘川十郡為湘州而改蔡夢弼杜工部草堂詩箋引作湘川南寺之東賈誼宅有井即誼所穿猶是未改之本所幸未改之本時見徵引得知宋志元嘉十六年之後度入他州者皆為荆州之地如寰宇記引長沙郡有蒲圻縣考宋志郢州江夏云蒲圻晉武帝太康元年立本屬

長沙文帝元嘉十六年度巴陵巴陵云文帝元嘉十六年分長沙之巴陵蒲圻下雋江夏之沙陽立屬湘州是元嘉十六年蒲圻始屬湘州巴陵郡記文成於十四年故仍晉屬長沙晉書地理志廣州云太康中吳平遂以荆州始安始興臨賀三郡來屬又云成帝以始興臨賀三郡還屬荆州宋志於三郡皆云晉成帝度荆州宋文帝元嘉二十九年度廣州又晉志荆州有襄陽南陽諸郡宋志雍州云宋文帝元嘉二十六年割荆州之襄陽南陽新野順陽隨五郡為雍州記文成於十四年故各書所引始興臨賀始安襄陽南陽諸郡仍晉屬荆州又

荊州本有隨郡故姚寬西谿叢語引隨郡永王縣有石隴山章懷後漢書注引作永陽縣北有石隴山宋志雍州無隨郡由其後度屬司州今本宋志司州隨陽領縣誤作水陽雖南齊書州郡志仍作永陽自非記文誰與證之是知記文有功宋志為不苟作而通典州郡門注稱盛宏之荊州記之類皆自述鄉國靈怪人賢物盛參以他書則多紕繆者要非篤論故水經注於沔水湍水涇水沮水江水夷水澧水資水連水湘水澱水淮水耒水涿水篇多取記文而直齋書錄解題又稱唐吳從政刪盛宏之荊州記諸書為襄沔記三卷今襄沔記既佚

序

三

而水經注之多取記文亦無有知之者蓋荊州記之亡久矣爰據隋志集為三卷而以宋志及志所引永初郡國志弟其先後志之所無則從水經注如原本北堂書鈔引平魯城事與沔水又東過襄陽縣北注合故埒之襄陽郡隋杜公瞻編珠引湖陽縣事與比水又西至新野縣南注合故埒之新野郡又新野郡宋志領縣有山都而唐段成式酉陽雜俎續集引固城事與沔水又東過山都縣北注合故埒之凡此皆從水經注者以水經注即取記文或不失宏之之遺意焉若云能復舊觀則吾豈敢光緒壬辰歲冬十二月東吳曹元忠謹敘

荊州記敘目

卷一

南郡

江陵

華容

當陽

枝江

天門郡

澧陽

零陽

敘目

宜都郡

夷道

很山

宜昌

巴東郡

魚復

朐腮

汶陽郡

沮陽

建平郡

南陵

宋州郡志無永初郡國有

信陵

宋州郡志無永初郡國有

巫

秭歸

卷二

竟陵郡

宵城

新陽

雲杜

武陵郡

敘目

五

舞陽

巴陵郡

巴陵

湘川郡

宋州郡志無

長沙郡

湖鄉

宋州郡志無

蒲圻

宋州郡志無晉地理志有

羅

衡陽郡

衡山

桂陽郡

耒陽

零陵郡

零陵

湘東郡

陰山

邵陵郡

都梁

始興郡

陽山

臨賀郡

馮乘

興安

謝沐

始安郡

熙平

平樂

卷三

襄陽郡

襄陽

敘目

六

平魯

宋州郡志無據水經沔水注增此

南陽郡

魯陽

宋州郡志無永初郡國有

西鄂

宋州郡志無永初郡國有

葉

宋州郡志無永初郡國有

宛

冠軍

鄧

新野郡

鄧

宋州郡志無永初郡國有

敘目

七

棗陽

宋州郡志無永初郡國有蔡陽寰宇記棗陽本漢蔡陽縣地

固城

宋州郡志無南齊州郡志東新安左郡有據水經沔水注增此

湖陽

宋州郡志無據水經比水注增此

隨郡

永陽

宋州郡志誤南齊州郡志有

順陽郡

順陽

武當

宋州郡志無永初郡國有

筑陽

宋州郡志無晉地理志有

上洛郡

商

新城郡

敘目

八

同邑王大綸同校
弟元弼

荊州記卷一



箋經室叢書

宋臨川王侍郎盛宏之撰 東吳曹元忠輯

荆蘊玉以潤其區漢含珠而清其域唐徐堅初學記七 宋李昉等太平御覽六十二

元嘉十四年荊州所隸三十郡自晉室東遷王居建業

則以荆揚為京師根本之所寄荆楚為重鎮上流之所

總擬周之分陝故有西陝之號焉御覽一百六十七 宋王象之輿地紀勝六十四自後

桓冲為大將軍屯上明使劉波守江陵是也宋樂史太平寰宇記一百

四十六

荊州城臨漢江臨江王所治王被徵出城北門而車軸

一

折父老泣曰吾王去不還矣從此不開北門梁劉孝標世說新語注三

城西北百餘步有樓霞樓臨川康王所置初學記二十四 御覽一百七十六

緣城隄邊悉植細柳綠條散風清陰交陌唐歐陽詢藝文類聚八十九 御覽九

百五十七

城西百餘里有樓俯臨川上羅君章居之因名為羅公

洲樓下洲上果竹交蔭長楊旁映交梧前疏雖近城隍

處同邱壑宋蔡夢弼杜工部草堂詩箋二十三

郡西沿江六十里南岸有山名曰荊門北岸有山名曰

虎牙二山相對楚之西塞也虎牙石壁紅色間有白文

如牙齒狀荊門上合下開開達山南有門形故因以為

名 唐李善文選注十二 杜工部草堂詩箋十八 三十五 輿地紀勝七十三

荆州有美鮒踰于洞庭温湖 御覽九百三十七

橘洲在郡南四里對南津常看如下及至夏水懷山諸

洲皆沒橘洲獨在 御覽二十二

枚迴村名舊云是梅槐合生成樹故謂之梅槐 寰宇記百四十六

鷓尾洲南有龍寵二洲二洲之間舊云多魚而漁者投

罟揮網輒絳絕乃有水客涸而視之見水下有石牛二

頭常為網破網者絕焉 御覽六十九 九百十 輿地紀勝六十四 故漁者懲之皆鼓

柁而去 寰宇記一百四十六

馬牧城三里有蚌城故老相傳云飢年民結侶拾蚌止

二

憩其中故因名又云城隨洲勢上大下尖其形似蚌故

有蚌號 藝文類聚九十七 二稱莫知所附故並載焉 御覽一百九十二

江津東十餘里有中夏洲洲之首江之汜也故屈原云

經夏首而西浮又二十餘里有涌口所謂閻敖浮涌而

逸二水之間謂之夏洲首尾七百里 御覽六十九 輿地紀勝六十四 華容監

利二縣在其中矣 寰宇記一百四十六

荒谷西北有苑號曰王園北有小城名曰治父城左傳

所謂莫敖縊于荒谷羣帥囚于治父是也 寰宇記一百四十六 唐盧潘廬江四辨見

宋姚鉉唐文粹四十六 輿地紀勝六十五

昭王十年吳通鄣水灌紀南城入赤湖進灌郢城遂破

楚

宋羅莘路史國名紀注丙寰宇記一百四十六輿地紀勝六十五

江陵東北七里有故郢城城周迴九里

唐余知古緒宮舊事二

縣東北十里天井臺東臨天井周迴二里許中有潛室

人時見之輒有兵寇

藝文類聚九輿地紀勝六十四

縣東一百里有綠林山茂林翁鬱襄陽大路經由其西

所謂當陽之綠林也

御覽五十七

華容縣西有陶朱公冢樹碑云是越之范蠡

唐張守節史記正義四十一

而終於陶

文選注十一後魏鄴道元水經注三十二

當陽縣城樓王仲宣登之而作賦

文選注十一輿地紀勝七十八

縣東有櫟林長坂昔時武甯至樂鄉八十里拱樹修竹

三

隱天蔽日長林蓋取名於此

寰宇記一百四十六輿地紀勝七十八

麥城東有驢城沮水之西有磨城傳言伍子胥造此二

城以攻麥城

輿地紀勝七十八

故假驢磨立名

御覽一百九十二

俗諺云東驢西

磨麥自破

寰宇記一百四十六

枝江縣舊治沮中後移出百里洲西去郡百六十里縣

左右有數十洲槃布江中其百里洲最為大也中有桑

田甘果映江依洲自縣西至上明東及江津其中有九

十九洲楚諺曰洲不滿百故不出王者桓元有問鼎之

志乃增一洲以充百數僭號數旬宗滅身屠及其傾敗

洲亦消毀今上在西忽有一洲自生沙流迴薄成不淹

時其後未幾龍飛江漢

水經注三十二輿地紀勝六十四宋胡三省通鑑注百五十五

斯有驗矣

御覽

六十三洲洲中最大號曰陽洲隴州迴洲是百洲之數

寰宇記一百四十六

灌羊湖西三十里有馬頭戍吳大司馬陸抗所屯以對

江津口與晉太傅羊祜相拒大宏信義抗有疾祜饋之

藥抗即推心服之于時談者以為華元子反復見于今

寰宇記一百四十六

南蠻府東有三湖源同一水

水經注二十八

天門郡出石鍾乳

御覽九百八十七

嵩梁山在澧水之陽望之如香鑪之狀今名石門吳永

四

安六年自然洞開元朗如門高三百丈門角各生一竹

倒垂下拂謂之天簾孫休以為嘉祥置縣因山為名

御覽四十九

層山此山外望只如一山入裏乃有二重因號層山也

宋輿地本太平寰宇記一百十八輿地紀勝七十

崇山書云放驩兜于崇山崇山在澧陽縣南七十五里

御覽四十九

零陽東接作唐

文選注二十三

宜都縣有蠻水即烏水也

春秋後語注見宋剡川姚氏本戰國策續注二十三

宅上山頂有玉女冢塋墳整固上有喬木叢生名為女

貞林常有白猿栖游哀鳴清絕御覽五十七

西南峽中有黃牛山藝文類聚七南岸重嶺疊起最大高崖間

有石色如人負刀牽牛人黑牛黃成就分明此巖既高

加以江湍紆迴雖塗經信宿猶望見之行者歌曰朝發

黃牛暮宿黃牛三朝三暮黃牛如故御覽五十三 寰宇記一百四十七 杜工部草堂詩箋

三十二 四十又夷縣有黃牛灘隋杜公瞻編珠一

夷道縣西南九十里有望州山四面壁立登此見一州

內東有涌泉欲雨輒有赤氣故名丹水藝文類聚七

縣南向將山下有二泉傳云本無此泉居者皆苦遠汲

人多賣水與之有一女子孤貧藍縷無以貿易有一乞

五

人衣麤貌醜瘡痍竟體村人見之無不穢惡唯女子獨

加哀矜割飯飴之乞人食畢曰我感姬行善欲思相報

為何所須女答曰何恩可報且今所須之物非君能得

因問所須女子曰正願此山下有水可汲乞人乃取腰

中書刀刺山下三處即飛泉涌出因便辭去忽然不見

藝文類聚九 御覽七十

登羊腸望見南平沮漳自巴陵左右數百里皆見此山

寰宇記一百四十七

很山縣有山山有穴口大數尺名為風井文選注十三夏則風

出冬則風入風出之時吹拂左右常淨如掃暑月經之

凜然有衣裘想

御覽九

樵人有冬過者置笠穴口風吸之經

月還涉長楊溪而得其笠

御覽三十二二十六

則知溪穴潛通矣

御覽

五十四七百六十五

難留山北有石室可容數百人常以此室僻嶮不可攻

因名難留城

寰宇記一百四十七

西北有石穴以燭行百步計二大

石其間相去一丈許其一為陽石一為陰石水旱為災

鞭陽石則雨鞭陰石則晴

御覽十一

陰石常涇陽石常暘旱

則鞭陰石應時而雨雨則鞭陽石俄時而晴但鞭者不

壽復不得稱名人頗憚之

寰宇記一百四十七

昔廩君浮夷水射鹽神于陽石之上

水經注三十七唐李賢後漢書注八十六御覽七百八十五

六

宜昌縣

藝文類聚七

沿峽二十里有新崩灘至巫峽因山名也

首尾一百六十里舊云自三峽取蜀數千里恆是一山

此蓋好大之言也唯三峽七百里兩岸連山畧無缺處

重崖疊嶂隱天蔽日自非亭午夜分不見日月所謂高

山尋雲怒湍流水絕非人境

寰宇記一百四十八

至於夏水襄陵公

所阻絕或王命急宣有時朝發白帝暮至江陵其間一

千二百里雖乘奔御風不為疾也春冬之時則素湍綠

潭迴清倒影絕巘多生檉柏懸泉瀑布飛漱其間清縈

峻茂良多雅趣每晴初霜旦林寒澗肅常有高猿長嘯

屬引淒異空岫傳響哀轉入絕

御覽五十三

故漁者歌曰巴東

三峽巫峽長猿鳴三聲淚沾裳

文選注十二杜工部草堂詩箋三十六

巴東郡峽上北岸有山孤峙甚峭巴東郡據以為城

寰宇

記一百五十七

巴東有一折柱孤直高三丈大可十圍傳云是公孫述樓柱破之血出枯而不朽

唐白居易六帖十輿地紀勝七十四

魚復縣有神淵北有白鹽崖天旱火然崖上推其灰燼下降淵中尋則降雨西有龍淵清深不測傳云漢祖伐秦經途於此見淵中白壁赤柱狀若官府因名龍淵

御覽七十

縣峭山上有神廟其神靈驗刺史二千石經過不得鳴

七

鼓角

唐虞世南北堂書鈔一百二十一

篙旅恐觸石有聲乃以布裹篙頭

御覽七百七十

縣鹽井以西石磧平曠騁望四遠諸葛孔明積細石為壘方可數百步壘西郭又聚石為八行行八聚聚間相去二丈許謂之八陣圖曰八陣既成自今行師庶不復

敗

御覽三百十

八陣及壘皆圖兵勢行藏之權自後深識見者

並莫能了桓温伐蜀經之以為常山蛇勢此蓋意言之

寰宇記一百四十八

宋王應麟通鑑地理通釋九

縣有固陵村地多木瓜樹其子大者如甌

御覽九百七十三

南鄉峽西八十里有巴鄉村蓋善釀酒故俗稱巴鄉酒也村傍有溪溪中多靈壽木

寰宇記一百四十八